

GRAD SARAJEVO
GRADSKO VIJEĆE
Hasan Hodžić, gradski vijećnik

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO:	28-03-2016		
Org. broj:		Ime:	
01-05-558/16			HP

GRAD SARAJEVO
GRADSKO VIJEĆE
Predsjedavajući Gradskog vijeća

Na osnovi člana 124. Poslovnika Gradskog vijeća Grada Sarajeva („Službene novine Kantona Sarajevo“, br.: 28/09), imenovani gradski vijećnici podnose sljedeći

AMANDMAN
na Prijedlog Budžeta Grada Sarajeva za 2016. godinu

U članu 2. Prijedloga Budžeta Grada Sarajeva za 2016. godinu, na razdjelu: **Gradska uprava - Izdaci**, u dijelu TEKUĆI GRANTOVI NEPROFITNIM ORGANIZACIJAMA – konto 614300, dodaje se nova alneja „24.a. FK „Željezničar“ za evropsku Grbavicu“, i za ovu namjenu planira iznos od **„300.000,00“KM.**

U članu 2. Prijedloga Budžeta Grada Sarajeva za 2016. godinu na razdjelu: **Gradska uprava - Izdaci**, u dijelu TEKUĆI GRANTOVI KAPITALNI IZDACI – konto 614100, iznos planiran u visini od „3.500.000,00“ KM, u koloni „Budžet 2016“, u alineji 4. „Revitalizacija Terbevičke žilare“, mijenja se i glasi **„3.200.000,00“KM.**

U skladu s predloženim, usklađuju se svi iznosi koji su u funkcija iznosa čije promjena se predlažu, a koji se planiraju u Prijedlogu Budžeta Grada Sarajeva za 2016. godinu u dijelu Izdaci – Gradska uprava.

Obrazloženje

Predlaže se da se za sufinansiranje izgradnje Stadiona Grbavica u Budžetu Grada Sarajeva u 2016. godini odobri **300.000,00 KM.**

Sastavni dio obrazloženja Amanmdna je priložena inicijaitiva.

U Sarajevu 25. 03. 2016. godine

Hasan Hodžić - 6937

Hasan Hodžić

Hasan Hodžić - Ćasa
vijećnik Gradskog vijeća

Gradsko vijeće
n/r predsjedavajućeg vijeća

Grad Sarajevo
n/r Gradonačelniku

PREDMET: Amandman na prijedlog Budžeta Grada Sarajeva za 2016. godinu

INICIJATIVA ZA EVROPSKU GRBAVICU

Izgradnja tribine rekonstrukcija stadiona za potrebe F.K. Željezničar i osposobljavanje Stadiona Grabavica za međunarodne nogometne utakmice naše državne reprezentacije A tima i svih ostalih selekcija koje predstavljaju Grad Sarajevo u evropskim i svjetskim ligama UEFA i Lige Šampiona. F.K. Željezničar je 2015/2016 godine kompletirao upravu, napravio novu Skupštinu, doveo nova pojačanja evropske klase, krenuo punom parom u BiH ligi, 5 utakmica i 5 pobjeda.

Čak je pobijedio i Slobodu u Tuzli i time pokazao da ozbiljno računa da na ljeto predstavlja Grad Sarajevo, Bosnu i Hercegovinu u nekoj evropskoj ligi ili Ligi Šampiona.


Stadionu Grbavici malo fali da bi ispunio uslove FIFE i UEFA za održavanje takvih utakmica. Svjedoci ste da do sada F.K. Željezničar nije mogao igrati na Grbavici svoje evropske utakmice i reprezentacija BiH isto tako. Znamo da je Sarajevo glavni grad i da podrška našim klubovima sa tribina koju mogu primiti dosta više navijača puno znači našim klubovima.

Prema prijedlogu budžeta za 2016. godinu na grantu kapitalni projekti konto - 61 510 sa projekta pod br. 4 – revitalizacija Trebevičke žičare planirano 3.500.000,00 KM skine se dio od 300.000,00 KM za izgradnju stadiona Grabavica. Da se napravi novi projekat pod rednim brojem 9 koji glasi: Za evropsku Grbavicu – 300.000,00 KM

F.K. Željezničar je gradski klub, predstavlja Grad Sarajevo, sklonuo je preko 1000 djece svih generacija, s ulica grada. Dao je dosta reprezentativaca u svim selekcijama od pionira do seniora. Počasni predsjednik je najveći čovjek BH nogometa gospodin Ivica Osim. Kapiten reprezentacije je Edin Džeko i da ne nabrajamo više. Poštovani gradonačelniče, molim Vas da podržite ovaj amandman. Amandman ima pravni osnov i ima sve atribute da bude realizovan, jer vi predstavljate Grad Sarajevo i sve naše klubove koji su u sklopu Grada, a oni predstavljaju nas u zemlji i svijetu. Pošto ste razuman čovjek, volite sport, volite ljude, onda prihvatite ovaj amandman, a ako kojim slučajem ne podržite ovaj amandman onda tražim da ide na Gradsko vijeće na glasanje. Ako dođe do glasanja, molim sve vijećnike koji vole Grbavicu, koji vole Grad Sarajevo da podrže amandman, da ne moramo ići u druge gradove da gledamo svog Želju i reprezentaciju BiH. Da napravimo Evropsku Grbavicu. I za kraj za sve pristalice i za sve Manijake s Grbavice iz Grada Sarajeva koji vole Želju i reprezentaciju BiH stara poruka:

MI SMO ŽELJINI, ŽELJO JE NAŠ, NAŠ, NAŠ...

Sarajevo, 25.03.2016. godine


Hasan Hodžić - Ćasa
Gradski vijećnik